

BIJLAGEN.

Rijks-Archief Arnhem.

Archief Culemborch Charters (afschriften) van 1532—1560 in portef.

N^o. 2458 a^o 1537 Hubert Peters, schepen v. Everdingen, Zijdervelt en Hanswijk, hij zegelt met 3 stierenkoppen.

N^o. 1596 a^o 1478— 2 Mei Evert van Everdingen, richter te Everdingen en Zijdervelt.

N^o. 1654 a^o 1480 — 28 Dec. is Danyel van Everdingen, richter te Culemborch, ook in 1481 en 1482.

N^o. 1692 a^o 1482, Evert van Everdingen, richter te Everdingen en Zijdervelt. Loef v. Everdingen, schepen aldaar.

N^o. 1265 a^o 1464 Daniël v. Everdingen, richter te Everdingen en Zijdervelt, ook in 1465, ook in 1468.

N^o. 1255 a^o 1464 Daniël v. Everdingen, richter in die Tienhoven op Autena, band nog te zien.

N^o. 1770^b a^o 1487 Peter Jansoin, schepen te Everdingen en Zijdervelt zegelt.

N^o. 1787 a^o. 1488 Loeff van Everdingen, bastert, schepen te Everdingen en Zijdervelt, zegelt.

N^o. 1667 a^o 1481 Evert v. Everdingen, richter te Everdingen en Zijdervelt, zegelt.

N^o. 1667 1481 Dirck Peterss. schepen te Everdingen en Zijdervelt, zegelt, 3 stierenkoppen.

* * *

No. 1270. Wij Daniel van Everdingen, richter in den kerspelen van Everdingen en van Zijdervelt, Rouwen Hey-

manszoen, Dirc Peterszoen en Vranck Maertenszoen scepenen aldair, oirkonden onder onsse zegle, dat tot ons quame *Daniel van Everdingen* voirscr. en *Joff. Mechtelt* sijn wijff, *Daniel Evert* en *Louff* sijn zoenen en *joffr. Alijt* sijn dochter mit enen gecoren voecht, die huer gegeven wert mit recht, droechen op en gaven over gesametlyck, Mathijs Janszoen tot behoufs des Edelen gebuertigen onssen lieven gemynden Joncker Geraerd Heer tot Culenborch etc enen vrijen eygendom van negen mergen lands mit all hueren rechten en toebehoeren soe groet en cleyn als die gelegen sijn tot Everdingen inde gerecht voirscr, dair boven naest geland is Dirc Peters zoen voors. en beneden naistgelandt is Goesen Peters zoen mit sijn medewerckers, streckende van de lange Meent tot in der Lecken toe. En sy vertegen daer noe op dit voirz. landt tot behoufs ons liefs Joncker voirscr. mit allen recht als die scepenen wysden dat recht is. Gegeven int jair ons Heren 1464 op Sinte Johansdach decollacio.

Dirck Peters zegelt met 3 stierenkoppen.

Archief Culenborch. Charters.

Nº. 622. In de name der Heiliger Dryvoldicheit. Amen. Dyt syn die Hilixvorwarde, die wy Everweijn, broeder tot Culenborch, Hubert van Culenborch bast. ind Sweder van Culenborch bast. van wegen onss lieven broeders ind jonckeren, Joncker Gherartz Heer tot Culenborch, ten Weerde, ende tot Lyenden, van Katherynen syne natuerliche dochter, onser liever nychten en zuster van eenre syden, Ind wy Gysbert Spronck, pastoir te Zijdervelt, Wyllem van Waell, Danyel en Loyff van Everdingen gebroeders van wegen Everts van Everdingen aen die ander syde eendrechtlick gededingt hebben als hier nabescr. volgt. To weten dat *onse lieve broeder in Joncker vors.* geven *sall Kathryn syn natuerlicke dochter vors. Evert*

van Everdingen vors. tot eynen echten wvve ende rechte bedgenoit.
En soll hem daer mede geven tot rechter medegaven aen gueden zekeren lande ende eerffrent. negen inde dertichsten halve Ryns-gulden current des jaers, te bewesen als hier nabescr. volgt. To weten in den yrsten aen *eenre hoeven lantz die Steven. Janss. bruyckt*, nu ter tyt jaerlix geldende, twelfftenhalven aelden schilt ende een quartier gelegen in die *tyenhoeven* baven naist gelant onse lieve broeder en Joncker vors. ende Geryt die bastert, ende beneden onse lieve broeder ende Joncker vors. streckende mytten eynden aen *dat oude Munstersche steegsken*, ende mytten anderen eynde aen *den Redichem*, voirtmeer soll onse lieve broeder ende Joncker vors. hem dyt bewysen aen *negen margen lant*, die Engbert Byerman to bruycken plach ende nu ter tijd Henrick van der Kerck bruyckt, jaerlix nu ter teyt geldende acht oude schilden, gelegen in die *Tyenhoeven* streckende vander Soywickschen stege totten Redinchem te boven naist gelant Sweder van Culenborch bast. en beneden onse lieve broeder en Joncker vors. ende Geryt die bast, In de vors. eerfftyense en renthe, soll onse lieve broeder ende Joncker vors. ende syn erve tot alle tyt mogen loissen en wederverkopen elcken pennynck vors. myt vyfftyen derselver pennyngen. Ind so wat gelden in tyt der loissen daer van komende, die soll Evert vors. beleggen bij rade ende guetduncken, onss lieven broeders en Jonckeren vors. en dat bynnen jaers daer na dat hem dese vors. renthen affgeloest syn, Beheltelick dat men den pechten voirg. hoer pachtjaren uthalden sall. Ind den halven jaerlixen pacht van desen vors. lande, to weten die nu Sinte Martijn naist tokomende verschynen sall, die sall onse lieve broeder ende Joncker vors. doen boeren ende behalden, Ind hyer en teynden, so sall onse lieve broeder ind Joncker vors. hem daarmede geven tot rechte hilixmedegaven, tweehondert ende drye ind twyntichsten halven Ryns gulden current tbetalen bynnen jaers naden byslaep welcke somme geltz vors. Evert voirge: beleggen soll, teynden

jaers als hij die vors. gelden ontfangen sall hebben, en dat oick bij rade ende guetduncken ons lieven broeders en Jonckeren vors. Ende so wes men mytten vors. somme geltz beleggende wort, dat soll *Kathryn* vors. to leen houden, van onsen lieven broeder ende Joncker vors en synen leenvolgers tot eynen gueden onversterfflicken eerffleen, te verhergewaden als 't verschynt myt eynen ponde guetz geltz. Ind weer dat saick dat *Kathryn* vors. aflivich worde, sonder levende blyvende geboerte, so sullen dese voirs. erven renthen en dat gheen men also beleggende worde, gelyck vors. steet wederom komen op onsen lieven broeder ende Joncker vors, en synen rechten leenvolgers, voirtmeer so syn hilixvoirwarden dat *Evert* vors. ind rechter hilixmedegaven soll brengen aen *Kathryn* voirs. eenindtsoevendich Ryns gulden des jae's current aen gueden zekeren lande ende erve als hier nabescr. volgt. To weten *een stuck lantz gelegen t Everdingen geheiten Hollantz lant, daer boven naest gelant is, Dirick Peterss. ende beneden oick die selve Dirick vors. Ind noch tyer morgen lantz op Autena boven naist gelant Huce Verwey ende beneden Claes Dirickxs. Ind noch vyer morgen lantz op Autena, boven naist gelant Willem van Waill ende Yelis Gysbertss, beneden Willem Fanss, Ind noch vyer morgen lantz op Bolgry boven naist gelant Peter Fanss en Gysbert Fanss en beneden Hylleken Tuckers. Ind voert vyerdyen morgen in die Gouweness, boven naist gelant Wyllem Fanss beneden die Heren van St. Marien t Utrecht Ind noch vyer morgen op Autena boven naist gelant Goesen Peterss, beneden die Vicary tot Everdingen ind hier to den Dyeffdyck teynden naist gelant Cornelis Willems en aen t ander eynde die langhe Meynte Ind hier en teynden so sall Evert vors. brengen aen Kathrynen vors. aen greden guede ende gelde, die weerde van vyerhondert Rynsgulden current, en daer voir hebben geloiff Danyell en Loyff van Everdingen Evert vors. gebroeders dat alsulckx so vors. steet warachtelicken geschien ende vol-*

tagen sall werden, na inhalt eenre cedelen die sy daervan over-
gegeven hebben. Oick so syn voirwarden dat Evert vors.
Katheryn vors. soll maicken ende tuchtigen bynnen jaers na
den byslaep ut synen guede aen vyffentwyntich aelde franc-
rycksche schilde, des jiers te hebben en te gebruycken haer
leven lanck tot allen tuychten recht. Ind waert saeck dat
Evert vors. bynnen jaers affvich worde ende en gheyn levende
blivende geboert by Ka herynen vors. achter en lyet, so sall
sy vry utsiten mogen myt haeren medegaven en tuychten
voirs., en mede myt hoerre morgengave kleden en kleynoth
als tot hoeren lyve behoirt, sonder enyge schult te gelden.
Ind weer daer yet verworven dat sall halffende half wesen
dess gelyckx oft saick wer, dat Kathryn vors. bynnen jaers
affvich worde ende gheyn levende blyvende geboerte achter
en lyet, so soll onse lieve broeder ende Joncker vors. off syn
nacomelingen gebreke synre, na hem nemen, en behouden,
hoere medegaven en ingebrachte guede myt hoeren klederen
ende kleynot, als tot hoeren lyve behoert. Ind teynden jaers
nae den byslaep so sullen hoerre twyer gueder staen to lant-
recht ende nyet eer. Indien sy dan beyde in levendigen lyve
syn, voirt syn voirwarden, wer dat saick, dat Evert vors.
ennige manssgeboerte by Katherynen vors. krygende worde,
en Kathryn vors. alsdan affvich worde, ende Evert vors.
*sych wederom verandersaten myt hvlich, ende eyn ander huys-
frou name, daer hy geboerte bij kreghe, so soll Evert vors. noch
tot na synre doyt erven op die manssgeboerte, die hij bij Kathe-
ryn vors. gekregen hed, to weten Hollantz lant, dat acker
lant, Ind voirt den queldam, den bongart ind den utterweert
buytendycks, twelck Evert vors. aen Katherynen vors. gebracht
hefft voir viertich Rynsche gulden jaerlix weerdich wesende,*
Ind weert saick dat Evert vors. ende Katheryn enyge doch-
teren bij malkanderen wonnen. Ind Kathryn vors alsdan
affvich worde. Ende Evert vors. sych wederom verandersait
myt hvlich en een ander huysfrou name, daer hy voirt manss-

geboerte by kregen, Ende Evert vors alsdan afflivich worde. Nochtans so sullen Evertz dochteren, die hy by Katheryn vors. geworven hed, geefft ende geguet wesen aan die helfte van deze vors. viertich gulden des jaers, die welck Evert vors. daer voir ingebracht hefft als vors. steet. Alle argelist ende beheyndicheit hierin utgescheiden. In tuchnyse der waerheit alre hilixvoirwarden en punten vors. So hebben wy hilixdedijngsluede voirgenoemt aen beyden syden hier to verkoren elck onsen segell ter oirkonden aen desen brieff gehangen. Ende want wij Gherart Heer tot Culenborch vors. ter eenre, Ind ick Evert van Everdingen ter ander syden alle hilixpunten ende voirwarden vors. ende een yegelijk punt bysonder geconsentiert en beliefft hebbende, consentieren, believe en volkomelick laven te halden, gelyck desse tegenwoirdige hilixbrieff dat begrypt so vele dess eynen yegelichen van ons aantreffen mach, So hebben wy Gherart Heer vor ons ende onsen nacomelingen onsen segell boven aen dessen brieff doen hangen ende ick Evert vors. heb voer my ende mynen erven mynen segell mede aen dessen brieff gehangen.

Gegeven int jaer onss Heren Dusent vierhondert Negen indtsoeventich, op ten seesten dach in Octobri.

Onderaan hebben gehangen negen zegels.

1^e Zegel van Heer Gerardt in rood was: 2^e zegel van Everwijn in groen was: 3^e 4^e 5^e en 6^e zegel afgevallen. zoo-ook 't 7^e zegel. 8^e zegel in groen was: 9^e zegel in groen was.